



Broj: 02/06-04-000530-12/25

Datum: 19.03.2025. godine

Na osnovu člana 70. stav (1) Zakona o javnim nabavkama BiH („Sl. glasnik BiH“, br. 39/14, 59/22 i 50/24), sekretar Ureda za zajedničke poslove kantonalnih organa, donosi:

ODLUKU
o izboru najpovoljnijeg ponuđača za lot 2 – VW vozila

Član 1.

Prihvata se preporuka Komisije za javnu nabavku iz Zapisnika o ocjeni ponuda broj: 02/06-04-000530-5-2/25 od 04.03.2025. godine u postupku javne nabavke usluga servisiranja i održavanja motornih vozila i nabavka rezervnih dijelova za **lot 2 (VW vozila)**, te se kao najpovoljniji ponuđač bira „**Mirado**“ d.o.o Tuzla, ponuda broj: I-238/25 od 26.02.2025. godine za ponudenu cijenu od **2.039,68 KM** (bez PDV-a) i rokom plaćanja od **60 dana**.

Član 2.

Ukoliko se ispune svi uslovi propisani Zakonom o javnim nabavkama BiH, okvirni sporazum će se dostaviti na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru.

Član 3.

Okvirni sporazum se zaključuje na period od 24 mjeseca.

Član 4.

Ova odluka stupa na snagu danom donošenja.

Obrazloženje

U predmetnom postupku koji je pokrenut Odlukom o pokretanju postupka br. 02/06-04-000530/25 od 13.01.2025. godine sa brojem Obavještenja o nabavci 1116-1-2-1-3-18/25 od 15.01.2025. godine, procijenjena vrijednost nabavke za lot 2 iznosila je 70.000,00 KM bez PDV-a, a kao kriterij za izbor ponuđača postavljena je ekonomski najpovoljnija ponuda gdje se kao kriterij postavila cijena a podkriterij rok plaćanja.

Otvaranje ponuda izvršeno je dana 04.03.2025. godine od strane Komisije za provođenje postupka centralizovane javne nabavke usluga servisiranja i održavanja motornih vozila i nabavke rezervnih dijelova broj: 02/06-30-8243/25 od 27.02.2025. godine (u daljem tekstu Komisija). Komisija je ugovornom organu dostavila Zapisnik o ocjeni ponuda broj: 02/06-04-000530-5-2/25 od 04.03.2025. godine, koji ujedno predstavlja izvještaj o radu Komisije i preporuku za izbor najpovoljnijeg ponuđača za lot 2 - VW vozila.

Iz Izvještaja o radu Komisije u Zapisniku o ocjeni ponuda utvrđeno je da su pristigle 4 ponude sa cijenama i rokom plaćanja kako slijedi:

| Naziv/ime ponuđača | | | | |
|---|---|----------------------|-------------------------------------|---------------------|
| Blagovremene ponude/datum i vrijeme prijema | | | Ukupna cijena sa popustom bez PDV-a | Rok plaćanja (dana) |
| 1 | „Mirado“ d.o.o. Tuzla, ponuda za LOT 2 | 28.02.2025 u 13:50h | 2.039,68 | 60 |
| 2 | „Guma M“ d.o.o. Mostar, ponuda za LOT 2 | 04.03.2025. u 08:41h | 6.182,56 | 60 |
| 3 | „Cosmos Commerce“ d.o.o. Tuzla, ponuda za LOT 2 | 04.03.2025. u 09:09h | 3.626,00 | 60 |
| 4 | „Euro Dam-Jas“ d.o.o. Lukavac LOT 2 | 04.03.2025. u 09:10h | 3.026,92 | 60 |

Vrednovanjem pristiglih ponuda, konstatovano je da je ponuđač „Mirado“ d.o.o. Tuzla, u ponudi za lot 1 dostavio „Potvrdu o solventnosti transakcijskog računa kod Raiffeisen bank DD BiH“ broj 00235/25 od 04.02.2025.g. koja se odnosi i na predmetni lot 2, u kojoj je navedeno da broj računa 1610000301210037 u periodu od 01.09.2024. g. do 03.02.2025. g. nije bio blokiran niti je imao zabranu raspolaganja sredstvima na transakcijskom računu, a u istoj nije navedeno da se radi o glavnom računu te da ne sadrži sve podatke tražene u članu 13.1 a) Tenderske dokumentacije br. 02/06-04-000530-1/25 i to u dijelu koji se odnosi na zahtjev da se potvrda treba odnositi na period „zadnjih 6 mjeseci od dana izdavanja potvrde“. Iz dostavljene potvrde je ustanovljeno da period od 01.09.2024. g. do 03.02.2025. g. ne predstavlja razdoblje od 6 mjeseci od dana izdavanja računa. Ponuđač je u ponudi dostavio i dokument „PS P3. Izvještaj o računima poslovnog subjekta“ izdat od strane Centralne banke Bosne i Hercegovine, dana 07.01.2025.g. U Izvještaju Centralne banke BiH je navedeno da je račun poslovnog subjekta „Mirado“ d.o.o. Tuzla, broj 1610000301210037 kod Raiffeisen banke dd Sarajevo, od dana proglašenja 18.10.2023. g. glavni račun, a da je isti u kontinuitetu aktivan od 27.03.2023. g. Shodno dostavljenoj dokumentaciji, primijenio se stav Suda BiH sadržan u Presudi Sl 3 U 028810 18 U od 05.06.2019. g. gdje je istaknuto da „Sudsko vijeće ukazuje da postupak JN jeste strogo formalan postupak, ali ponudu što se tiče forme, neprihvatljivom čini ako je propušteno da se uopšte dostavi određeni akt ili dokaz tražen TD ali ne i određeni propust unutar dokumenta ako se iz sadržaja cjelokupne ponude jasno i nedvosmisleno može utvrditi da propust unutar dokumenta ne utiče na valjanost ponude“, te stav Ureda za razmatranje žalbi iskazan u Rješenju broj JN2-03-07-1-2802-7/24 od 15.11.2024. g. u kojem URŽ donosi odluku temeljenu na naprijed navedenom stavu Suda BiH na način da se odlučujući o meritumu poziva na istu i vrši njenu primjenu.

Slijedeći stavove Suda BiH i Ureda za razmatranje žalbi konstatovano je da se podaci traženi tenderskom dokumentacijom, a koji nedostaju u sadržaju dokumenta „Potvrda o solventnosti transakcijskog računa kod Raiffeisen bank DD BiH“ mogu ustanoviti iz sadržaja cjelokupne ponude, tačnije iz Izvještaja Centralne banke BiH, te iz tog razloga ponuda ponuđača „Mirado“ d.o.o. Tuzla nije odbacila.

Provjerom računskih ispravnosti ponuda u skladu sa članom 17. Uputstva za pripremu modela tenderske dokumentacije i ponuda (“Sl. glasnik BiH”, br. 90/14), konstatovane su računске greške u obrascima za cijenu ponuda kod ponuđača „Euro Dam-Jas“ d.o.o. Lukavac. Od navedenog ponuđača zatraženo je prihvatanje ispravki računskih grešaka

dopisom br. 02/06-04-000530-6/25 od 06.03.2025. g. sa tabelama u prilogu (Anex III.I i Anex III.III za LOT 1,2 i 3).

Ponudač je u ostavljenim roku dostavio saglasnost sa ispravkama računskih grešaka.

Nakon prihvatanja ispravki računskih grešaka, prilikom daljeg vrednovanja valjanih ponuda, a primjenom člana 17. Uputstva za pripremu modela tenderske dokumentacije i ponuda ("Sl. glasnik BiH", br. 90/14 i 20/15) ustanovljeno je da je ponuda ponuđača „Mirado“ d.o.o. Tuzla za lot 1, kao i za ostale lotove 2 i 3 predmetne nabavke, neprirodno niska, te je u skladu sa utvrđenim, ponudaču dana 10.03.2025.g. dostavljen „Zahtjev za obrazloženje neprirodno niske cijene“ broj: 02/06-04-026590-9/25 od 10.03.2025. g. u kojem su navedene činjenice koje upućuju na neprirodno nisku cijenu ponuda za sva tri lota, te da u vezi toga dostavi tražene informacije. Ponudač je u ostavljenom roku putem maila, dostavio odgovor broj I-1040/25 od 10.03.2025. g. U odgovoru je naveo da posluje više od 30 godina i da je primarna djelatnost firme upravo trgovina priborom i dijelovima za motorna vozila putem vlastita četiri maloprodajna objekta i da za te potrebe posjeduje zalihe robe u iznosu od 3.500.000,00 KM bez PDV, da pozitivno posluje cijelo vrijeme rada, te da zbog navedenog ostvaruju povoljne uslove kod svojih dobavljača, a što rezultira time da i oni svojim kupcima mogu ponuditi niže cijene dijelova. Pored toga, naveo je da od 2020. godine ima vlastiti servis za motorna vozila sa osam dizalica, najsavremenijom dijagnostikom te alatom i opremom starosti manje od jedne godine, te da mu navedeno doprinosi ekonomičnosti poslovnog procesa. Dalje je naveo da je za nabavku uređaja kojeg koristi, kroz projekat „Kapitalni transferi mikro, malim i srednjim privrednim subjektima (MMSP) za nabavku opreme i alata od Vlade TK-a 2023. g. dobio poticaj u iznosu od 10.000,00 KM, te da posjeduje vlastito vozilo za šlepanje, visok stepen toplotne izolacije objekta i da sve navedeno potvrđuje kako imaju vrlo efikasan sistem odvijanja uslužnih procesa zbog čega su u mogućnosti da iste obavljaju po znatno nižim cijenama od konkurencije.

Nakon ocjene informacija dobijenih od strane ponuđača „Mirado“ d.o.o. Tuzla, istom je upućen i zahtjev broj: 02/06-04-026590-10/25 od 14.03.2025. g. za dostavu dokumentacije koja dokazuje elemente cijena, a sve u svrhu pravilnog donošenja odluke.

Ponuđač je u ostavljenom roku dostavio tražene podatke uz propratni akt br. I-1166/25 od 17.03.2025. g. u kojem je naveo da dostavlja ponude i fakture svojih dobavljača koje obuhvataju sve stavke iz tenderske dokumentacije, te da dostavlja kalkulacije urađene na osnovu tih ponuda uz napomenu da pripadajućih zavisnih troškova nema s obzirom da o svom trošku vrši prevoz do njihovog skladišta. Ponuđač je naveo da vezano za filtere po cijenama iz ponude ostvaruje prosječnu razliku u cijeni od oko 150%, a što ocjenjuje kao i više nego ekonomski opravdanim cijenama, da je na pozicijama u tenderskoj dokumentaciji koje servisnim aplikacijama nisu definisane na datom vozilu, a zbog obaveze da za sve stavke budu upisane cijene, naveo cijenu od 0,01 KM. Zbog Odluke direktora društva da kupcima koji kupe sve pozicije redovnog servisa u njihovoj poslovnici rade besplatnu ugradnju, a opet zbog zahtjeva iz tenderske dokumentacije da sva polja budu popunjena, naveli su cijene usluge po ugrađenoj poziciji od 1,00 KM. Nadalje, naveli su da je iz dostavljenih kalkulacija vidljivo da ponuđač za tri vrste motornog ulja koje su stavke njegove ponude za sva tri lota, ima ulazne cijene od 3,99 KM/l, 5,18 KM/l i 5,46 KM/l. Pored navedenog ponuđač je naveo da dostavlja osam kalkulacija iz 2024.g.

Nakon detaljnog pregleda odgovora ponuđača i svih dostavljenih priloga kojeg sačinjavaju poreske fakture, kalkulacije, predračuni i ostalo, prihvaćeno je pojašnjenje te se pristupilo bodovanju svih valjanih ponuda.

Obzirom da su svi ponuđači ispunili sve kvalifikacione uslove i zahtjeve iz tenderske dokumentacije, primjenom formule za izračun broja bodova kod ekonomski najpovoljnije ponude, sačinjena je rang lista ponuđača za LOT 2 kako slijedi:

Lot 2 – VW vozila

| Redni broj | Naziv ponuđača | Ukupna cijena sa popustom bez PDV-a (KM) | Rok plaćanja (dana) | Broj bodova na cijenu | Broj bodova na rok | Ukupan broj bodova |
|------------|--------------------------------|--|---------------------|-----------------------|--------------------|--------------------|
| 1 | „Mirado“ d.o.o. Tuzla | 2.039,68 | 60 | 95,00 | 5,00 | 100,00 |
| 2 | „Euro Dam-Jas“ d.o.o. Lukavac | 2.687,79 | 60 | 72,09 | 5,00 | 77,09 |
| 3 | „Cosmos Commerce“ d.o.o. Tuzla | 3.626,00 | 60 | 53,44 | 5,00 | 58,44 |
| 4 | „Guma M“ d.o.o. Mostar | 6.182,56 | 60 | 31,34 | 5,00 | 36,34 |

Ugovorni organ je u predmetnom postupku nabavke odredio okvirno procijenjenu vrijednost predmeta nabavke usluge, s obzirom da se zbog prirode predmeta nabavke nije mogla unaprijed odrediti tačna količina predmeta nabavke.

U ukupnu cijenu ponude koja se vrednovala, obuhvaćene su cijene redovnog servisa i cijene normi sata ostalih usluga. Cijene ponuda su se koristile samo u svrhu vrednovanja, obzirom da je ugovorni organ planirao zaključiti okvirni sporazum na iznos procijenjene vrijednosti nabavke za pojedini lot.

To znači da je u konkretnom slučaju najpovoljniji ponuđač za lot 2 ponudio ukupnu cijenu sa popustom u iznosu od 2.039,68 bez PDV-a, a okvirni sporazum će se zaključiti na iznos od 70.000,00 bez PDV-a.

Komisija za javnu nabavku, dala je preporuku ugovornom organu za izbor ponuđača „Mirado“ d.o.o. Tuzla kao najpovoljnijeg za lot 2 – VW vozila.

PODACI O NAJPOVOLJNIJEM PONUĐAČU

| | | |
|----|------------------------------|---|
| 1. | Naziv / ime ponuđača | „Mirado“ d.o.o. Tuzla |
| 2. | Adresa | Mehmedalije Maka Dizdara B11 (Stupine), Tuzla |
| 3. | Cijena sa popustom bez PDV-a | 2.039,68 |
| 4. | Rok plaćanja | 60 dana |

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, te je shodno tome odlučeno kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba URŽ-u putem ugovornog organa, najkasnije u roku od deset (10) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.

M.P.

SEKRETAR

Zdenka Mařijanović, dipl. pravnik

Dostaviti:

- „Mirado“ d.o.o. Tuzla
- „Cosmos Commerce“ d.o.o. Tuzla
- „Euro Dam-Jas“ d.o.o. Lukavac
- „Guma M“ d.o.o. Mostar